



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-103-4/26**
Datum: **20.04.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica „Alu-Prom“ d.o.o. Lukavac, za izdavanje vodne dozvole za ispuštanje tehnoloških otpadnih voda sa lokacije poslovno-proizvodnog objekta namjene - hala u kojoj se vrši proizvodnja i montaža al. bravarije, PVC stolarije te izrada i montaža lakih metalnih konstrukcija, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev pravnog lica „Alu-Prom“ d.o.o. Lukavac za izdavanje vodne dozvole za ispuštanje tehnoloških otpadnih voda iz poslovno-proizvodnog objekta namjene – hala u kojoj se vrši proizvodnja i montaža al. bravarije, PVC stolarije te izrada i montaža lakih metalnih konstrukcija, lociranog na zemljištu označenom kao k.č. broj: 617/2 upisanom u k.o. Poljice II, grad Lukavac, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene tehnologije proizvodnje usljed čega će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

O b r a z l o ž e n j e

Pravno lice „Alu-Prom“ d.o.o. Lukavac obratilo se sa zahtjevom bez broja od 11.03.2026. godine koji je zaprimljen na protokolu Agencije dana 16.03.2026. godine za izdavanje rješenja o vodnoj dozvoli za aktivnost ispuštanja tehnoloških otpadnih voda sa lokacije poslovno-proizvodnog objekta namjene – hala u kojoj se vrši proizvodnja i montaža al. bravarije, PVC stolarije te izrada i montaža lakih metalnih konstrukcija, na zemljištu označenom kao k.č. broj: 617/2 upisane u k.o. Poljice II, grad Lukavac. U provedenom postupku dostavljena je i pregledana sljedeća dokumentacija:

A- Opća dokumentacija

- Rješenje o izmjenama podataka, broj: 032-0-Reg-13-001657 od 01.11.2013. godine izdato od strane Općinskog suda u Tuzli – ovjerena kopija,
- Uvjerenje o poreznoj registraciji od 14.06.2006. godine izdato od strane Kantonalnog poreznog ureda u Tuzli - ovjerena kopija,
- Rješenje o vodnoj saglasnosti, broj: UP-I/25-2-40-348-2/14 od 23.06.2014. godine izdato od strane Agencije za vodno područje rijeke Save - ovjerena kopija,
- Ugovor o priključenju na vodovod „Vrelo“, broj: 01-1-1-09/14 od 21.03.2014. godine potpisan sa Mjesnom zajednicom Poljice Donje – kopija,
- Rješenje o vodnoj dozvoli, broj: 04/1-13-21-6340/26 od 09.04.2026. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Zapisnik o izvršenom tehničkom pregledu poslovnog objekta „Alu- Prom“ d.o.o. Lukavac u Poljicu Donjem od 16.10.2025. godine – kopija,
- Odluka o priključenju na vodovod „Vrelo“, broj: 01-1-1-08/14 od 21.03.2014. godine – kopija,
- Rješenje o odobrenju za građenje, broj: 05/1-23-1-1234/14 od 01.08.2014. godine izdato od strane Službe za urbanizam, prostorno planiranje i investicije općine Lukavac – kopija,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija

- Glavni projekat vanjskog vodovodnog i kanizacionog sistema u kompleksu proizvodno-poslovnog objekta „Alu-Prom“ d.o.o. u Poljicu, općina Lukavac, urađen od strane „Sendo“ d.o.o. Sarajevo, juni 2014. godine, broj: 272/i/14.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uviđaj kod pravnog lica i tom prilikom sačinjen Zapisnik o izvršenom uviđaju broj: UP-1/21-3-40-103-2/26 od 16.04.2026. godine.

U ispitnom postupku, a na osnovu dokumentacije dostavljene uz zahtjev utvrđeno je slijedeće:

- Proizvodno-poslovni objekat „Alu-Prom“ d.o.o. Lukavac izgrađen je u Donjem Poljicu, grad Lukavac.
- Osnovna namjena objekta je proizvodnja (montaža) plastične stolarije i aluminijske bravarije, te izrada lakših metalnih konstrukcija. Metalne konstrukcije se u pogon dopremaju kao cijevi i proizvodni program se odvija na način da se iste sijeku, vare i kao gotov proizvod skladište i u konačnici odvoze krajnjem kupcu.
- U procesu proizvodnje (montaže) koriste se aluminijski profili, termoizolaciono staklo, te metalni profili cijevi raznih dimenzija, toplo i hladno valjani profili.
- Tehnološki proizvodni proces ne obuhvata korištenje kiselih otopina za dezoksidaciju i odmašćivanje aluminijske niti upotrebu deterdženata za pranje gotovih proizvoda.
- U procesu proizvodnje ne nastaju tehnološke otpadne vode, pa iste nisu razmatrane u projektnoj dokumentaciji na osnovu koje je izdato rješenje o vodnoj saglasnosti od strane Agencije.
- Odvodnja potencijalno zauljenih voda je projektovana i izvedena na terenu na način da se potencijalno zauljene vode sa parking površine prihvataju sa pet slivnika, a zatim odvođe u tipski separator ulja i naftnih derivata kapaciteta 15 l/s, sa koalescentnim filterom na tretman, a zatim ispuštaju u potok Bratanovac.
- Oborinske vode sa krovova se prihvataju putem olučnih vertikala i odvođe u potok Bratanovac.
- Sanitarno-fekalne vode iz objekta se prihvataju i odvođe u trokomornu vodonepropusnu septičku jamu.
- Snabdijevanje objekta sanitarnom vodom je riješeno putem priključka na mjesnu vodovodnu mrežu.
- Pravno lice otpad prikuplja u spremnik i adekvatno zbrinjava tj. predaje ovlaštenim licima.
- Pravno lice je u potpunosti izgradilo objekat i pustio u rad 2025. godine. Do tada je proizvodnja obavljana na drugom lokalitetu, pod zakupom.

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, broj: 26/20, 96/20, 1/24), odnosno nema ispuštanja tehnoloških otpadnih voda u smislu odredbi člana 139. stav (1) tačka 3, a u vezi sa članom 110. Zakona o vodama («Službene novine Federacije BiH», broj 70/06), u skladu sa članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se podnosi neposredno, pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog:

- Tehnička dokumentacija navedena pod tačkom B obrazloženja rješenja

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- Alu-Prom d.o.o., Donje Poljice bb, 75303 Lukavac, (sa prilogom),
- ⊖ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava